

Zeitschrift: Akzent : Magazin für Kultur und Gesellschaft
Herausgeber: Pro Senectute Basel-Stadt
Band: - (2006)
Heft: 3: Basel Volta : St. Johann-Quartier und Nordtangente : von der Keltensiedlung zum Novartis-Campus : Architekturstadt Basel

Artikel: Wandlungen im Erscheinungsbild von der Basler Chemie : Fusionen, Fusionen - und Umschlagerungen
Autor: Miville-Seiler, Carl
DOI: <https://doi.org/10.5169/seals-843500>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 30.03.2025

ETH-Bibliothek Zürich, E-Periodica, <https://www.e-periodica.ch>

Wandligen im Erschynigsbild vo dr Basler Chemie

Fusioone, Fusioone – und Uuslaagerige

Bis ane 1969 het me z Basel, wenn vo Chemie d Reed gsi isch, vo fimf groossen Undernämme gredt: vo dr *J. R. Geigy* (baseldytisch Gyygi; grindet 1758), dr *Durand-Huguenin* (1872), dr *Ciba* (1884), dr *Sandoz* (1886) und dr *Hoffmann* (baseldytisch Hoofmaa) -*La Roche* (1896).

Wo in sällem Joor 1969 d *Durand-Huguenin* vo dr *Sandoz* ibernoo worden isch, hänn die weenigschte gwisst, ass das numme dr Aafang von ere groosse Konzentratioon gsi isch. Aber scho im Joor druff hänn sich *Geigy* und *Sandoz* zämmegschlosse. Jetzt sinn s no drey gsi, aber ane 1996 isch die ganz groossi Fusioon koo: *Sandoz* und *Ciba* hänn fusioiniert. Die neyi Firma het *Novartis* ghaisse; dr Namme laitet sich vom latyynische *novae artes* (neyi Kinscht) ab. Esoo sinn vo däne fimf no zwai iibrigbliibe: d *Novartis* und d *Hoffmann-La Roche*, wo men ere hit numme no kurz «*Roche*» sait. Si het sich vo den anderen unterschide, indäm iir Ursprung nit in de

Faarbe, Chemikaalien und in dr Agrochemie gläagen isch, nai, d *Roche* het iir Schwäärpunggt vo allem Aafang aa uff d *Pharma* gleggt.

Und wo die baide Konzäärn drno eso grooss gsi sinn, hänn si Undernämmedail wider uuslaageret. Vo dr *Novartis* abdrennt worde sinn d *Firme Syngenta* (Agrobusiness), *Ciba-Spezialiteeten* und *Clariant* (baidi bedryybe Spezialiteetechemie). Vo dr *Roche* in d Sälbständigkait entlosse worden isch d *Givaudan* (Riechstoff, Aroome); wyteri Undernämmedail sinn verkauft worde: an die holländischi *DSM* (Vitamin) und an die dytschi *Bayer* (Pharma).

Und d Mensche?

Firmen und Firmenämme sinn s aint, d Mensche, wo in däne Firme schaffe, sinn s ander – und im Grund gnoo s Wichtigscht. Wo sich Undernämme zämmegschlosse hänn, isch s drum gange, Syn-

ergie z finden und Keschte z sängge. Das het zue vyle dausig Entlassige gfiert, zer Unrue im Personal und zer Angscht vor dr Kündigung, e Noot und en Angscht, wo au s Familieläabe vo de Bedroffene belaschtet het. Fir die «Oobere» het s mängmool groosszigigi Abfindige gää, fir s «Fuessvolgg» – wenn s guet gangen isch – e myggerige «Sozialplan». Wo Wälfirme sich bemiet hänn, dr Konkurränzkampf z bestoo, het d Ruggsicht uff d Aarbetnämmer die glainschti Rolle gspiilt. Mir alli mien drfir yystoo, dass Menschligkait und Demokratie nit vor de Fabriggdoor Halt mache.

Carl Miville-Seiler

